



تمرة رمضان - العدد رقم 5

يحررها خالد غنام أبو عدنان - استراليا

موائد الرحمن الرمضانية في فلسطين



تكية بيتونيا الخير

تأسست عام 2015 في رمضان، بدعم من وزارة الأوقاف والشؤون الدينية، بتقديم وجبات مجانية لمساعدة الفقراء والمحتاجين في شهر الرحمة. أن التكية تعتبر الوحيدة في محافظة رام الله والبيرة، وتواصل عملها من أجل دعم فئات المجتمع والأسر المحتاجة، بتوزيع الوجبات الساخنة والجاهزة يوميا لمن يحتاجها، سيما نتيجة استقلالها ماديا عن بلدية بيتونيا. أن التكية لا تقتصر على شهر رمضان بل تعمل على مدار العام، إذ تعمل على تقديم الوجبات بشكل أسبوعي، بتقديم وجبة للعائلات الفقيرة، باستهداف 150 عائلة في المدسينة، بواقع 5 أفراد لكل أسرة، بمعدل 700-800 شخص.

من الكنايات الشعبية

- ثقيل دم: أي ثقيل ظل وغير مرحب به .
- جاب التايهة: أي جاء بالفكرة التي تاهت عنا. المقصود السخرية منه.
- جاب خبره: جاء بخبر وفاة شخص ما. المقصود شدة الإيذاء.



حكاوي الشاطر حسن : تأليف خالد غنم أبوعدنان : الشاطر حسن وسمكة النبع

كان حسن راعي غنم شاطر والناس كانت بتعطيه حلالها تا يرعاه ويسمّنه، وكان حسن بسرّح بالغنمات حولين برية القدس، بالصيف كان يعرّب ويوصل لحد قرايا العز، إल्ली هي أبو غوش وقالونيا ولفتا، وهاي بلاد المي الملونة، كل نبع مي إله اسم وصاحب، وكان حسن بدفع للناس مشين يورّد الغنمات تا يشرين، وبعدينش كان يوخذن على الخلا تا يرعن عشب بلا شوك، ويوكلن الورد الملون، كانن الغنمات بنعشن لما تصيف الدنيا، أما بالشتاء كان يطيح فيهن على قمران أرض المغارات المسكونة وهاي قريبة من البحرة قصدي البحر الميت.

خطرة من الخطرات لما كانن الغنمات واردات على نبع عين الجوزة بقالونيا، وهاي أزكى مي بكل جبال القدس، وكان صاحبها زلّمة غانم اسمه الشيخ اسماعيل سالم، كان يوخذ من حسن جينة ولبن وزبدة أجار عشين حسن يورّد الغنمات على النبعة، وهاي نبعة غويطة وكان حسن يضلوا فوق الغنمات خوف ما تقع وحدة جوات المي الللي لون إطرفها سماوي ولون قلبها مثل كحل الليل، وكان دايماً حسن يسمع قصص العفارييت الللي ساكنين بقاع المي، وهذول سلط على الغنم، وياما خطفوا غنم الرعيان، بس حسن كان رابط خزرة زرقة بذان كل غنم وكمان رابط الإجر اليمين الورانية لكل غنمة بحبل مصيص مجدول ورابط كل الحبال على صخرة الجن تحت الجوزة الكبيرة، هاي شجرة جوز عمرها ميات السنين، والناس كانت تشتري هذا الجوز لإنه بشفي من المرض العظم وبرم البدن.

لما خلصن الغنمات شرب مي سحبهن حسن وطلعهن على الحرش الفوقاني، ورجع على النبعة بده يعبي القربة مي، ولما حط القربة بالمّي، نطت على إيده دودة وعظته، صار يشلع فيها بس هي ملزقة ومش راضية تتركه وحس دماته بتصفي، قام خبطها بالقربة وإلا فاتت جواتها وطارت القربة وصارت فوق شجرة الجوز، وسمع منها صوت بقول أنت الشاطر حسن وبدي إياك تساعدي، أنا بدي أسافر من هون بدي أروح على العين الفوار، رد عليها الشاطر حسن وقالها هاي بعيدة كثير وبالصيف بتكون الدنيا شوب بالغور، وما بوخذ غنماتي هناك إلا بالشتوية، بدك ضلي فوق الشجرة كم شهر وبرجلك. طلعت من بعجوز القربة سمكة سبحان الخالق مخططة سماوي وكحلي وعلى راسها في نقطة صفرة، قالت لحسن إذا ما أخذتني الليلة على عين الفوار رح أموت غنماتك فقام عينيك، وصار حسن يشوف الغنم بطير ويتعلق فوق على غصونة شجرة الجوز، لحد ما صارن كل الغنمات فوق الجوزة، وحسن بزع مش عارف إيش يحكي، ويطلع بالناس ولا حد من الناس شاف إल्ली شافه حسن، إجا قرّب على الشجرة وناس نهفته وقالوله بدك إذن من الشيخ هاي مش مال سايب، قالهم قريبي على غصن الفوقاني بس محدش صدقه وقالوا عنه حرامي بده يسرق جوز، لحد ما إجا الشيخ عليه وقاله أنت تعبان روح إسهالك نص ساعة بروح الوهم عنك.

طلع الشاطر حسن على الحرش الفوقاني ما لقي الغنمات مطرح ما ربطهن، قعد تحت شجرة خروب وقال لحاله خليني أسهي شوي بلكي حكي الشيخ صحيح، ونام الشاطر حسن بساع، وحلم بإمه بتقوله بالدنيا يا حسن في غنم ما بعرف يعيش بلا راعي، وفي راعي يعيش بلا غنم بس قلبه كبير بحن على الناس والغنم، وفي كمان ذيابة بتعيش على ذبح الغنم وخطفه من بين إيدين الراعي، والراعي يا حسن مرات ما بقدر على الذيب، بصير بده يحمي الللي بقدر يحميه والباقي رح يوكلوا الذيب، بس ما في راعي برعي ذيابة، إصحك يمة تصدق إنه الذيب رح يعبط الغنم وينام بيناته. لما فاق حسن راح لعند شجرة الجوز ولقى الغنمات مدليات وروسهن بخابطن بعض، والسمكة جوات القربة بتصيح عليه يوخذها على عين الفوار، سأل حسن الشباب الللي حوليه، إذا كان في سمك يعيش بالنبعة، قالوله إنه كان زمان في سمك مخطط بحكوا عنه الختيارية وإنه سمك بطير مثل العصافير، بس من زمان ما شفنا منه، رجع حسن لعند السمكة وقالها بوخذك على عين الفوار بعد ما أحط الغنمات أمانة عند صاحبي غانم بقريبة لفتا، ردت عليه أنا مش همي الغنمات بس هذول بضلن معي ضمانة لحد ما توصلني، قالها حسن لع مش موافق، قالته طيب تفديهن بعينك، باجي أنط بعينك الشمال وبتترك الغنمات، قام وافق الشاطر حسن، وإجت السمكة دبكت بنص عينه الشمال، وصار يصيح من وجعه، قالته فديت غنماتك بخاطرك يا الله قوم وصلني.

أول مشواره كان حاسس الدم ينزل من عينه بس السمكة قالتها الناس ما بتقدرش تشوفها، وهيد صار حسن لحاله الللي شافها، راح حط الغنمات عند صاحبه غانم وأخذ زوادة وصار يمشي مشرق، وكل ما ييجي بده يقعد كانت السمكة تقرصه بعينه، سأله حسن ليش ما تظل بعين الجوزة ميتها أزكى من عين الفوار، فقالته إنها عفريّة محبوسة جوات السمكة، وما رح تقدر تطلع من قلب السمكة إلا بعين الفوار، لأنه في بنت عملت عمل لجوزها وربطته بشعرات العفريّة، وهلقيت هاي البنت ماتت وصارت العفريّة معقود بس مش مربوطة وخلاصها بعين الفوار. لما وصلوا عين الفوار قالها حسن شوفي أنا حملتك جوات عيني من غرب القدس لشرقها، وبدي منك شغلة لازم تعملها، هاي السمكة مش لازم تموت بدي أرجعها على عين الجوزة، يعني بدك تطلعي منها من غير ما تقتليها، ردت عليه هيد صار بدي نقطة مي من البحرة، وإلا السمكة رح تموت، وأنا بغدرش أطيح معك على البحرة، إلا إذا دخلت جوات حلقك، وهذا الللي صار، وكل ما كان حسن يزل بوادي يحس إنه سكين قاعدة بتقطع بحلقه، لحد ما وصل للبحرة وعبّي زبديّة فخار مي من البحرة وتم راجع على عين الفوار، وصار يتشعب تلال لحد ما إنه وصل على عين الفوار، طلعت السمكة من حلقه وإجت بدها تنط بالمّي، بس بسرعة هجم عليها الشاطر حسن ومسكها بإيده وقالها: إسمعي يا عفريّة أنا راعي وقلبي كبير ومش خايف منك بس قلت أساعدك لوجه الله، بدك تطلعي من السمكة هلقيت، وهاي السمكة رح ترجع على عين الجوزة، صارت السمكة تعظ بإيده وهو مقربط فيها، وحطها بقلب الزبديّة الفخار الللي فيها المي المالحه، وصار يسمع أصوات نواح وصراخ، وبعد شوي سكتت، وسمع من عين الفوار صوت العفريّة بقوله: يا شاطر حسن أنت أحن راعي وعشين تعيش السمكة توجعت طول الليل، خذها ورجع على عين الجوزة قبل الفجر، ولما وصل الشاطر حسن لعين الجوزة نطت السمكة من إيده وصارت تلعب بالمّي وتطير مثل العصافير وتقول الشاطر حسن راعي الغنم والسمك.

أكلات كديمة: خميعة



هي عبارة عن خبز مفتوت يراق عليه الحليب الساخن وقد يضاف إليهما السكر أو العسل ويترك حتى يترنخ الخبز.
وهي من مأكولات الرعيان.

صور التراثية



الأغاز شعرية



أي شيء أذ طعماً * ناعم الملمس ولين *
كيف لا يبدو وضوحاً * أو هو في التصحيف بين.
(التين)

ما غلام راعع ساجد * أخو نحول دمهه جاري *
ملازم للخمس في وقتها * معتكف في خدمة الباري.
(القلم)

ثلاثة حاملين بنعش ميت * ورابعهم وقع بالبير ميت *
تلك البير تحيي كل ميت * بعد الموت بلقى الحيا.

(الميزان)



قلها شو اسمك (:




قالتلو دارين .. وانت ؟!



قلها غرفتين ومطبخ :3



نظرتي



دليل الحيران في الشفعة وحق الرجحان

صدر عن دار الشروق للنشر والتوزيع (الأردن-رام الله- فلسطين) كتاب من تأليف المحامي أحمد قنديل في كتابه "دليل الحيران في الشفعة وحق الرجحان.. دراسة مقارنة بين مجلة الأحكام العدلية وقوانين الأراضي"، لأهمية الحديث عن الأراضي والصراع الدائر على الأرض الفلسطينية منذ أكثر من قرن من الزمان.

